

sains

KERATAN AKHBAR

22 & 26 FEB 2022

NEW STRAITS TIMES

Utusan MALAYSIA

Sinar harian

astro AWANI

NOGORI KITO

facebook

THE EDGE MARKETS
MAKE BETTER DECISIONS

THE Sun

FMT news
FREE AND INDEPENDENT

The people's paper
Star

SUARA KONTEMPORARI
Kosmo!

Harian Metro

BERITA HARIAN

malaysiakini
terkini untuk anda

BERNAMA

RANIA

星洲日報
SIN CHEW DAILY

南洋商報
NANYANG SIANG PAU

中國報
CHINA PRESS

malaymail

Sains serbu premis di tapak pembinaan di Seremban 2

SEREMBAN - **[DIKEMAS KINI]** Sebuah premis di tapak pembinaan di Seremban 2 di sini yang disyaki melakukan penyambungan air secara haram diserbu Syarikat Air Negeri Sembilan Sdn Bhd (Sains) dalam satu operasi pada Isnin.

Ketua Bahagian Perhubungan Awam Sains, Norzita Ismail berkata, serbuan dilakukan sepasukan pegawai dari Unit Penguatkuasaan Sains serta Bahagian Siasatan dan Penguatkuasaan Suruhanjaya Perkhidmatan Air Negara (SPAN) pada jam 7 malam.

"Siasatan di tapak mendapati penghuni premis melakukan penyambungan tidak sah menggunakan paip jenis Unplasticized Polyvinyl Chloride (UPVC) bersaiz 20mm tanpa melalui sebarang meter untuk kegiatan pembinaan tersebut.

"Kes disiasat di bawah Seksyen 89(9) Akta Industri Perkhidmatan Air 2006. Sekiranya disabitkan kesalahan, tertuduh boleh dikenakan hukuman denda sebanyak RM50,000 atau penjara tidak melebihi enam bulan atau kedua-duanya sekali," katanya dalam satu kenyataan pada Selasa.

Mengulas lanjut, beliau berkata, pegawai penguat kuasa Sains turut menjalankan ujian klorin di lokasi terbabit dan terbukti bekalan air digunakan adalah air terawat milik Sains.

"Pihak SPAN menyita semua pemasangan dan punca sambungan yang dibuat sebagai bahan bukti," katanya.

Tambahnya, Sains akan terus mempertingkatkan pemantauan serta penguatkuasaan terhadap kegiatan curi air di seluruh Negeri Sembilan melibatkan pengguna komersil dan domestik.

"Tindakan tegas ini merupakan salah satu langkah berterusan Sains dalam mengurangkan kadar kehilangan air tidak berhasil.



Premis letak jentera berat disyaki curi air

JEMPOL - Sebuah premis yang dijadikan tempat letak jentera berat dan asrama pekerja di Bahau diserbu Syarikat Air Negeri Sembilan (Sains) dan Suruhanjaya Perkhidmatan Air Negara (Span) kerana disyaki membuat penyambungan air secara haram.

Serbuan dilakukan pada Khamis jam 11.30 pagi itu diketuai pegawai Span daripada Bahagian Penguatkuasaan Ibu Pejabat, Muhammad Naqib Aniq Abdul Kahar dan Unit Penguatkuasaan Kecurian Air Sains.

Ketua Bahagian Perhubungan Awam Sains, Norzita Ismail berkata, siasatan dilakukan mendapati penghuni premis melakukan penyambungan tidak sah menggunakan paip getah bersaiz 9mm tanpa melalui sebarang meter untuk kegunaan penghuni premis berkenaan.

"Pegawai penguatkuasa SAINS turut menjalankan ujian klorin di lokasi terbabit dan terbukti bekalan air yang digunakan adalah air terawat milik Sains.

"Pihak Span juga telah menyita semua pemasangan dan punca sambungan yang dibuat sebagai bahan bukti," katanya dalam kenyataan kepada media pada Jumaat.

Menurutnya, kes disiasat mengikut Seksyen 89(9) Akta Industri Perkhidmatan Air 2006 yang mana jika sabit kesalahan, tertuduh boleh dikenakan hukuman denda sebanyak RM50,000.00 atau penjara tidak melebihi enam bulan atau kedua-duanya sekali.

Selain itu katanya, Sains akan terus mempertingkatkan pemantauan serta penguatkuasaan terhadap kegiatan curi air di seluruh Negeri Sembilan melibatkan pengguna komersil dan domestik.

Ujarnya, tindakan tegas ini merupakan salah satu langkah berterusan Sains dalam mengurangkan kadar kehilangan air tidak berhasil ataupun Non Revenue Water (NRW).

